



Universitätsbibliothek Paderborn

**Disputatio Theologica. De modo Ligandi & Absolvendi
Peccatores Consuetudinarios & Recidivos**

Joachim <A Jesu-Maria>

Namurci, 1693

§. 1. Propositiones ab Alex: VIII. condemnatæ nostram controversiam
concernentes hæ sunt.

urn:nbn:de:hbz:466:1-39165

(3)
DISPUTATIO
THEOLOGICA

De modo ligandi & absolvendi peccatores recidivos & consuetudinarios.

Recurrentibus materialium de Sacramentis Lectionibus, recurrentur & disputationes habenda, & licet à Controversiis de recidivis aliquibus forte videbitur supersedendum, sive quia eas fuisse in praecedentibus discussimus: sive quia sunt terminatae per condemnationem propositionum modernam praxim impugnantium à SS. D. N. Alexandro VIII. factam: quia tamen propositiones condemnatas licet semper impugnare: utque uniformitas doctrina nostrae cum Scripturâ, Sanctis Patribus ac Summorum Pontificum Decretis magis ac magis elucescat; hanc compendiosam omnium à nobis circa hanc materiam dictorum disputationem instituere convenire judicamus.

§. I.

Propositiones ab ALEX: VIII. condemnatae nostram controversiam concernentes haec sunt.

16. **O**rdinem permittendi satisfactionem absolutioni, induxit, non polilia, aut institutio Ecclesiae, sed ipsa Christi Lex & prescriptio, natura rei id ipsum quodammodo dictante.

17. Per illam praxim mox absolvendi ordo pœnitentiae est inversus.

18. Consuetudo moderna quo ad administrationem Sacramenti Pœnitentiae, etiam si eam plurimorum hominum sustinet authoritas, & multi temporis diuturnitas confirmet: nihilominus ab Ecclesiâ non habetur pro usu seu abuso.

20. *Confessiones apud Religiosos factæ, pleraque sacrilegas sunt vel invalidæ.*

Nemini dubium esse potest quod secundum praxim mox absolvendi, atque secundum consuetudinem modernam quoad administrationem Sacramenti Pœnitentiae ordinariè credatur pœnitenti dicenti pro se & contra se, nisi ratio manifesta appareat in contrarium; adeòque quod non exigantur illa pœnitentiae exercitia longo tempore ante absolutionem continua ta ut pœnitenti credatur, sicut volunt adversarii nostri; tamen declarat Pontifex per illam praxim, pœnitentiae ordinem non esse inversum, consuetudinem illam non esse abusum, condemnatque dicentes confessiones apud Religiosos factas, plerasque, vel esse sacrilegas, vel invalidas; & cum Adversarii affirment esse vel sacrilegas vel invalidas, quia relapsus tribunt impæni entiae, in his qui longa illa opera non practicant: ideo meritò diximus totam controversiam esse conformiter ad nostram doctrinam à SS. D. N. ALEXANDRO VII. terminatam: siquidem in hoc consistebat, an ordinariè credendum sit pœnitenti dicenti sese dispositum, dum ratio manifesta non apparet in contrarium: an verò sit disponendus & probandus per longa pœnitentiae exercitia ante absolutionem; item an relapsus recidivorum inconstitiae propositi, seu instabili pœnitentiae, vel carensia propositi, seu impudentiae sint ordinariè tribuendi; denique an confessiones recidivorum ordinariè sint, vel sacrilegas vel invalidæ. Propter rationes dictas has tres difficultates denuò elucidamus.

ARTICULUS I.

De Peccatoribus consuetudinariis & recidivis.

Impietas impij non nocebit ei in quacumque die conversus fuerit ab impietate suâ. Ezech. 33. Quia